

BRINGE DAS BLUT AN UND WENDE DAS ZEICHEN AN!

Übersetzung in Albanisch:

Guri frymor i ndertimit Nr. 1

- SILLE GJAKUN DHE VENDOS SHENJËN !-

Eksodi 12:13"... dhe kur të shoh gjakun, do të kaloj përmbi ju dhe nuk do t'ju godasë plagë shkatërruese..."

Profeti i Perëndisë tha në lidhje me këtë:

Mesazhi i mëngjesit të sotëm ("Shenja") për mua ishte kulmi i gjithë shërbesës sime. Një ditë do t'ju tregoj si lindi ky mesazh. Dhe e di që prej shumë muajsh gjithçka ka punuar drejt këtij mesazhi dhe e solli atë pikërisht këtu. Ishte koha e kurorëzimit të tij, a e kuptoni?

Tani, jam i sigurt ose shpresoj se ju e keni kuptuar se çfarë do të thotë kjo shenjë. Shenja është dëshmia që gjaku është sjellur, që çmimi që kërkonte Perendia është paguar nga Jezusi me derdhjen e gjakut të Tij (Zbulesa 1:5-6). Ai e bëri këtë. Pastaj, nga jeta e Tij, erdhi Fryma e Shenjtë. Dhe kur gjaku është vendosur mbi ty, Fryma e Shenjtë është një shenjë që çmimi yt është paguar. Perendia të ka pranuar, dhe kjo është shenja. Mbajeni në mend këtë: kjo është shenja. Tani, ka shumë njerëz që nuk e kuptojnë se çfarë është kjo shenjë, dhe duhet folur sikur askush nuk e di, që të gjithë ta kuptojnë. Ashtu siç predikojmë shpëtimin – duhet ta predikojmë shpëtimin sikur është për të gjithë – edhe pse e dimë që nuk është ashtu. Duhet të predikojmë shërimin hyjnor për të gjithë, megjithatë e dimë që nuk është për të gjithë. E kuptoni?

Jezusi erdhi për të shpëtuar ata që ishin në Librin e Shpëtimit para themelimit të botës (Zbulesa 13:8). Ai erdhi vetëm për të shpëtuar këta (Gjoni 17:9-10). Kush janë ata, nuk e di. Askush nuk mund të ketë besim, nëse nuk i thuhet: "është për këdo që do", dhe ashtu është. Askush nuk mund të vijë, nëse nuk e ka thirrur Perendia (Gjoni 6:44; Veprat 2:39). Kjo është e vërtetë, Pra, ka shumë njerëz që nuk do të shpëtohen. E dimë këtë. Perendia e dinte para se të fillonte bota, që ata nuk do të shpëtoheshin. Ka shumë që nuk do të shërohen, shumë që nuk do të marrin shërim. Ata nuk mund ta kuptojnë, nuk e dinë çfarë është. Do të jenë shumë. Por ne e predikojmë sikur është për të gjithë, sepse nuk e dimë kush është ai person; thjesht nuk e dimë. Por është për "këdo që do", vetëm se disa nuk janë në gjendje ta kapin këtë besim (2 Selanikasve 3:2). Tani, e njëjta gjë vlen edhe për këtë shenjë. Ne kemi folur gjatë gjithë kohës për shenjë, por tani është koha që shenja të bëhet e dukshme.

Lutheranëve u është dhënë kjo përmes "pranimit të Fjalës; pranimit të Krishtit si Shpëtimtar personal." Metodistët thonë: "Nëse bëhesh aq i lumtur sa që mund të bërtasësh, atëherë e ke." Pentakostalët thonë: "Folu në gjuhë, dhe e ke marrë." Dhe ne zbulojmë se të gjitha këto janë të gabuara, shihni. Shenja kjo është shenja.

Është ti dhe Krishti si persona bashkë (Gjoni 14:18-20). Është Fryma e Shenjtë, jeta e Tij në ty, duke vepruar jetën e Tij përmes teje.

Është për të pasurit, të varfrit apo për këdo që dëshiron ta pranojë.

Tani, në këtë rast, gjaku ishte shenja. Duhej të vendosej në mënyrë të drejtpërdrejtë, sepse ishte vetëm një përbërje kimike, kjo ishte gjithçka që kishin, sepse ishte gjaku i qengjit, një kafshë, gjaku i qengjit (Eksodi 12:13). Pra, jeta që ishte në gjak, jeta kishte dalë jashtë, gjaku ishte derdhur, e shihni? Jeta kishte dalë, por nuk mund të kthehej tek besimtari, sepse ishte një kafshë. Por ajo vetëm paralajmëronte për një ndërgjegje të mirë, se do të vinte dikush, një flijim i përsosur. Dhe për ta bërë atë të përsosur, i gjithë Gjykatësi, Perendia i qiellit, u bë flijim; gjykatës, jurist dhe avokat. Shihni, Ai u bë flijimi (Filipianëve 2:5-11), dhe kur jeta e Tij doli, që ishte vetë Perendia...

Dhe Fjala, ku thuhet: "Dhe unë do t'u jap atyre jetë të përhershme." (Gjoni 5:24). Fjala në greqisht është Zoe. Z-o-e, që do të thotë: "Jeta vetë e Perëndisë." Dhe "Unë do t'u jap atyre Zoe, jetën Time." Krishti dhe Perendia ishin një. Sepse jeta që ishte në Krishtin është Fryma e Shenjtë, jo personi i tretë; por i njëjti person në formën e Frymës së Shenjtë, që vjen mbi ty si një shenjë se jeta jote dhe bileta jote janë paguar. Ti je pranuar. Derisa kjo shenjë të vijë, nuk je i lejuar në Rrugën e Lartë. Nuk ke leje për të hyrë, derisa të tregosh shenjën, dhe kjo shenjë është bileta jote. Dhe tani, ajo tregon që gjaku është derdhur dhe është vendosur tek ti, çmimi është përdorur për ty, dhe ti ke shenjën që gjaku është vendosir mbi ty dhe je pranuar. E kuptoni tani? Oh!

Tani, nuk ka një provë të caktuar. E shihni? Ju thoni: "Vëlla Branham, si do ta njoh që e kam marrë?"

Shiko, çfarë ishe dhe çfarë je tani? Kështu mund ta dish, e sheh? Çfarë ishe përpara se kjo shenjë të vihej mbi ty? Çfarë je pas saj? Cilat ishin dëshirat e tua më parë dhe cilat janë tani? Atëherë e di nëse shenja është mbi ty apo jo. Dhe ato gjëra të tjera vijnë automatikisht me të.

Nuk është se thua: "Të flasësh në gjuhë është prova." Shiko, unë blej një palë këpucë; gjuha (e këpucës) nuk është këpuca. Ajo thjesht vjen me të. Ajo vjen me këpucën, e shihni? Po, e njëjta gjë është me shenjën. Shenja është Krishti. Por të flasësh në gjuhë, të dëbosh djaj, të predikosh apo çfarëdo tjetër – këto janë prova që është aty, kjo është e vërtetë; por nuk janë vetë ajo. Janë dhurata të saj.

Gjuhët janë një dhuratë e Frymës së Shenjtë, jo vetë Fryma e Shenjtë, por një dhuratë e saj (1 Korintasve 12:10).

Dhe djalli mund t'i imitojë të gjitha këto gjëra, por ai nuk mund të jetë Fryma e Shenjtë. Ai mund t'i imitojë këto dhunti, por nuk mund të jetë Frymë e Shenjtë.

Dhe Fryma e Shenjtë është shenja që gjaku është vendosur, sepse Ai gjithmonë ndjek gjakun që nga libri i shpëtimit. E shihni? Ky ishte qëllimi i Tij, që Ai erdhi. Kjo është ajo që Ai ka ndjekur në çdo epokë. Në çdo epokë Ai ka ndjekur këtë për të parë që ajo të realizohej, dhe ata nuk mund të përfundoheshin pa ne (Hebrenjve 11:39-40). Dhe tani e gjithë Fryma e Shenjtë viziton kishën dhe bën që Perendia të shfaqet në mish njerëzor, ashtu siç bëri para Sodomës, në atë zjarr që ishte një shembull. Ai iu shfaq Abrahamit (Zanafilla 18 dhe 19).

Dhe të gjitha këto gjëra që Ai nuk i bëri gjatë epokave, në epokat e kishës, Ai i bën tani. Kthim te Fjala, sepse mesazhet dhe mesazhet dhe mesazhet duhet të përmbushen në Fjalën e plotë. Dhe në ditët e fundit, kur shtatë vulat hapen, gjithçka që ka mbetur e shpërndarë duhet të mbledhet dhe të formohet një gjë e përsosur në një trup të madh të Nuses, në mënyrë që ata që kanë jetuar atëherë të mos përfundojnë pa ne, derisa kjo kishë të përmbushet, kjo grup-Nusja në ditët e fundit, për t'i sjellë ata brenda dhe për t'i marrë të gjithë së bashku lart (Hebrenjve 11:39-40).

Shenja, Jezusi Krisht, Fryma e Shenjtë, është ndër ne. Ne duhet ta nderojmë këtë. Nuk mund të përulemi mjaftueshëm. Heqja e këpucëve ose përkulja në gjunjë nuk do ta zgjidhte këtë, nuk do ta kënaqte, nuk do të mjaftonte për ne; por një jetë që prodhon frytet e Frymës! (Efesianëve 5:8-9). Tani, çfarë janë frytet e Frymës? I shihni? Dashuri, gëzim, paqe... (Galatasve 5:22-23).

Nuk ka rëndësi kush je. Pa këtë Besëlidhje, zemërimi i Perëndisë është mbi ty (Hebrenjve 8:10-13). E drejtë. Ai do t'ju arrijë. Po, mëkatet tuaja do t'ju zënë. Çfarë është mëkati? Mosbesimi (Gjoni 16:8-9). Ti nuk e ke besuar këtë mesazh. Nuk e ke besuar këtë Fjalë. Nuk e ke besuar as dëshminë e shenjës kur ajo u shfaq në mesin tonë. Dhe nuk e ke besuar këtë? Pavarësisht sa shumë dyshon, ajo duhet të zbatohet.

Ti mund të thuash: "Unë e besoj, unë e besoj. Unë besoj se është e vërtetë. Unë e pranoj si të vërtetë." Kjo është mirë, por ajo duhet të vendoset (te sillet) .

Po sikur një hebreu të kishte qëndruar aty dhe të kishte përzier gjakun që vinte nga qengji dhe të kishte thënë: "Ky është Jehovahi."

Dhe atje të kishte qëndruar prifti dhe të kishte thënë: "Po, unë besoj se kjo është e vërtetë", por në shtëpinë e tij nuk do të ishte perfollur. Ai nuk donte të identifikohet me atë grup atje jashtë: "Jo, Zoti im, ata fanatikë me gjak në dyert e tyre." Ai nuk donte këtë identifikim. Nuk kishte rëndësi nëse ishte prift apo sa shumë e njihte Fjalën, sa mirë ishte rritur, çfarë veprash kishte bërë, sa shumë kishte dhënë për të varfrit, sa shumë kishte flijuar! (Eksodi 12:1-28).

Derisa kjo shenjë, për të cilën po flas sot — dashuria agape — të vihet në praktikë, derisa ajo të jetë e pranishme, unë nuk jam asgjë (1 Korintasve 13,1-8). Nuk më intereson: ndoshta keni dëbuar djaj, keni shëruar të sëmurët përmes lutjes suaj me besim, ndoshta keni bërë të gjitha këto gjëra, por nëse shenja nuk është aty, ju jeni nën zemërimin e Perëndisë (Romakëve 5,9). Ndoshta je besimtar, ndoshta je pas foltres duke predikuar Ungjillin. "Shumë do të vijnë tek Unë atë ditë dhe do të thonë: Zot, Zot, a nuk profetizuat në Emrin Tënd, a nuk predikuam në Emrin Tënd, a nuk dëbuam demonë në Emrin Tënd?" Jezusi tha: "Largohuni nga Unë, ju që bëni paudhësi, Unë kurrë nuk ju kam njohur" (Mateu 7,21-23). Por nëse Unë shoh shenjen, Unë do të kaloj përtej jush. Kjo është kërkesa e Perëndisë për këtë kohë. Mesazhi i mbrëmjes është: Vëre shenjen!

Dalja e Izraelit nga Egjipti ishte një shëmbëlltë për kohën e sotme. Egjipti përfaqësonte kishën, dhe Izraeli përfaqësonte nusen. Dhe ashtu si Izraeli doli nga Egjipti, kështu nusja del nga kisha; shihni, duhet të ketë diçka nga ku ajo mund të dalë, dhe ajo duhet të dalë. Nëse kjo është një model, atëherë kisha është atje në Egjipt, në botë dhe në mëkat, dhe nuk i kushton rëndësi shenjës. Ata thjesht nuk besojnë në të. Por Izraeli e donte atë, sepse ajo përfaqësonte shpëtim për ta. Oh, kjo duhet të na gëzojë, duhet të prekë zemrat tona! Oh, vëre atë, kishë! Mos e lër të mungojë! A e doni atë? Mos e lini diellin të perëndojë! Mos pushoni, as ditë e as natë! Mos e lini të rrëshqasë, nuk do të funksionojë, fëmijë, nuk do të funksionojë. Ju duhet ta keni shenjen!

Ti thua: "Unë besoj. Po, unë vij, po, unë besoj mesazhin." Kjo është në rregull, kjo është mirë. Por ti duhet ta kesh shenjen. A e dëgjoni këtë, kishë? Ju duhet ta keni vendosur shenjen. Pa të, i gjithë besimi yt është i kotë! Ndoshta jetoni një jetë të mirë, ndoshta dëgjoni çfarë thotë Fjala, shkoni në kishë, përpiqeni të jetoni drejt; kjo është bukur, por nuk është mjaftueshëm.

"Kur të shoh gjakun", kjo është shenja, dhe shenja këtu nuk është...

Të gjithë ata që ishin jashtë shenjës së gjakut u zhdukën. Dhe çdokush që ndodhet jashtë shenjës së Frymës së Shejt do të humbasë! Pavarësisht se sa të mirë janë apo sa anëtarë kishe janë... Kishte shumë prej tyre në kohën e Noeut, kishte shumë në kohën e Moisiut, por kushdo që nuk e vendosi gjakun si shenjë, u zhduk! Ata që nuk hynë në arkë, u zhdukën. Po kështu, kush nuk hyn në Krishtin, sepse Ai është Arka.

1 Korintasve 12,13 thotë: "Përmes një Fryme jemi të gjithë pagëzuar në një trup." Jo në një kishë të dukshme, por në trupin misterioz — jo në denominata; në trupin misterioz të Jezus Krishtit, përmes një Fryme, F-r-y-m-e, jemi të gjithë pagëzuar në atë trup të vetëm. Atëherë shenja është mbi derë, sepse ti je në Krishtin, dhe Ai ishte Ai — flijimi yt. Ai mori gjykimin mbi vete, dhe kur Perëndia sheh atë, nuk mund të bëjë asgjë. Ju jeni aq të sigurt sa mund të jeni, sepse Perëndia dhe Krishti janë e njëjta Qenie. Fryma u bë mish dhe banoi ndër ne (Gjoni 1,1-3.14-18). Dhe aty është Perëndia me Vetveten dhe ju, bijtë e Tij, në trupin e Tij.

Ja ku jeni ju. Jo një substancë kimike, por Frym. Unë do të kaloj pranë jush duke ju kursyer." (Eksodi 12:13)

Kini kujdes, ata nuk ishin mbledhur vetëm për të folur për mesazhin. Ata u mbledhën për të vendosur gjakun, për të vendosur shenjë. Kjo është ajo që duhet të bëni ju.

Vëllezër, është koha që të hedhim mënjanë të gjitha marrëzitë e botës, është koha të lëmë gjithçka tjetër mënjanë.

Ne kemi parë tashmë mjaftueshëm për të qenë të bindur me siguri, dhe shenja duhet të vendoset. Pa këtë, do të shkatërroheni; do të humbisni – kjo është e vetmja gjë. Oh, mos u mblidhni thjesht për të thënë: "Unë besoj." Vihuni nën të! Hyni brenda! Si ndodh kjo? Me anë të një Fryme ne pagëzohemi në trupin e Jezus Krishtit (Efesianëve 4:5-6). Besoni me gjithë zemër! Ai nuk ishte përgjegjës për askënd që nuk ishte vënë nën të. Nuk ka rëndësi sa thellë je zhytur në mëkat, apo çfarë ke bërë – kjo nuk ka aspak lidhje. Vëri shenjë! Ajo është për ty. Nëse ndjen në zemrën tënde se ka diçka që të tërheq, atëherë është për ty. Ti do ta vendosësh shenjë.

Tani dëgjoni me kujdes: Bindja e plotë ndaj gjithë Fjalës së Perëndisë na jep të drejtën për shenjë. Pastaj, kur lutemi, duhet ta kemi shenjë për ta treguar bashkë me lutjen tonë. Nëse thua: "Unë lutem, Zot, por në të vërtetë nuk kam asgjë..." – atëherë nuk shkon kështu. Më mirë ndalu, shiko. Hyr më parë dhe merr shenjë, sepse kjo është ajo që Ai do të pranojë. Kur lutemi, duhet të tregojmë shenjë:

"Zot, unë jam i bindur ndaj Teje plotësisht. Kam bërë pendesë për mëkatet e mia. Ndjej se Ti më ke falur. Jam pagëzuar në emrin e Jezus Krishtit. Fryma e Shenjtë është mbi mua. Tani kam nevojë për disa gjëra për lavdinë Tënde. Zot, po të lutem për to. Tani ato më përkasin." Pastaj ndodh që diçka thellë brenda teje lidhet fort. Ajo gjë të përket, shiko. Pastaj gjithçka ka përfunduar; është kryer.

Beso, për shpëtim, pastaj zbatoje atë! Beso për të! Këtu është ajo për të cilën duhet të besosh: Ti dëshiron shpëtimin tënd personal. Ti beson për shpëtimin tënd, dhe pastaj vendose shenjë për gjithë familjen. Ti thua: "Si mund ta bëj këtë?" Kërkoje me autoritet! Nëse funksionoi për ty, atëherë ti dhe Fjala jeni një. Amen! Amen! Ajo është e vlefshme për të dy. Ti dhe Fjala jeni një. Atëherë vendose për fëmijët e tu. Vendose për të afërmit e tu, ashtu siç bëri Rahabi. Ajo e vendosi shenjë për babain e saj, për nënën e saj, për vëllezërit dhe motrat e saj, dhe i solli të gjithë brenda. Vëre shenjë dhe thuaj: "Zot, po shkoj pas djalit tim, po shkoj pas vajzës sime. I kërkoj ata! Satan, lëri të lirë! Po vij t'i marr. Po vendos shenjë time, Frym e Shenjtë. O Frym e Shenjtë, që banon në mua, kapu për vajzën time atje. Po shkoj tani tek ajo, me vajosjen Tënde mbi mua." Ai do ta bëjë. Amen!

Kështu vepruan ata në Egjipt. Kështu vepruan në Jeriko (Jozueu 6:22). Nëse doni të lexoni edhe diçka tjetër: Veprat e Apostujve 16:31. Pali i tha rojës së burgut: "Besoni se unë jam lajmëtar i kohës. Beso në Zotin Jezus Krisht, dhe do të shpëtohesh ti dhe shtëpia jote." A është e vërtetë kjo? Beso për familjen tënde! Vendosi të gjithë nën shenjë!

Çfarë bën ti pastaj, kur e sjell te shtëpia jote?

Hidhe jashtë gjithë atë mbeturinë! Merr të gjitha fundet e shkurtra, pantallonat e shkurtra, letrat për lojëra, cigaret, televizorin dhe gjithçka tjetër dhe nxirri jashtë derës! Do ta vendosësh shenjën dhe nuk mund ta tolerosh më heshturazi. Po, hidhi jashtë të gjitha! Gjithë ato vallezimet, festat (Partys), rock'n'roll-in, gazetat e vjetra vulgare dhe gjithë atë që është nga bota – hidhi jashtë dhe thuaj: "Ne jemi duke pastruar të gjithë këtë vend."

Po, pastro dollapin, pastro shtëpinë! Oh, kemi një pastrim të mirë të vjetër të shtëpisë! Fshije gjithçka! Shenjtëroje! Le të jetë gjaku i vendosur, pastaj do të vijë shenja.

Pastaj vendose shenjën me lutje, me besim, kur të kesh pastruar veten, të kesh dalë nga gjërat e botës, të kesh lënë gjithë mosbesimin. "Nuk më intereson çfarë thonë njerëzit. Nëse Fjala e Perëndisë e thotë dhe e premt, atëherë unë e besoj. Nëse Fjala e thotë, kjo është e mjaftueshme. Nuk më intereson çfarë thotë dikush tjetër." Shih, kur i ke bërë të gjitha këto, ke vendosur gjakun dhe i beson çdo fjale. Atëherë merr shenjën në lutje dhe je plotësisht i bindur!

Përgatituni! Vendoseni! Besoni! Pastroni! Le të shohin fëmijët tuaj, familja juaj, të afërmit tuaj këtë gjë tek ju. Kjo është e vërtetë. Do të ketë një ndikim. Po!

Vendose shenjën në lutje, me kujdes dhe me besim. Aplikoje me dashuri të thellë, derisa të jesh i sigurt se do të ndodhë. Kjo është gjithçka. Vendose me besim, duke besuar se do të ndihmojë. Pastaj, kur të flasësh me fëmijën tënd, me burrin apo gruan tënde, ose me të afërmit e tu, beso se do të ndihmojë. Qëndro aty dhe thuaj: "Zot, unë i kam kërkuar ata; ata më përkasin mua. Unë i marr për Ty, Zot."

Vendose shenjën, krijo atë atmosferë rreth vetes, që ata të vijnë drejt e brenda saj. Oh, kur ke shenjën, krijohet një atmosferë Frymore fuqie rreth teje, që kur ecën, njerëzit e dinë se je një i krishterë. Ata duan që t'u thuash diçka. Ata i besojnë fjalës sate, çfarë thua, mbështeten tek ajo. Kjo është. Vendose shenjën! Pastaj ec me të! Kërko shtëpinë tënde! Duhet ta bësh tani. Tani është koha e mbrëmjes. Tani është koha e zbatimit. Zemërimi do të shpërthejë një ditë prej këtyre ditëve, dhe pastaj mund të jetë tepër vonë. Vendose shenjën me besim!

Vendose shenjën dhe pastaj shërbeji Perëndisë së gjallë me vepra të gjalla, me shenja të gjalla: shenja të shërimit të të sëmurëve, ringjallje të të vdekurve, parashikime, të flasësh në gjuhë të panjohura, t'i përkthesh ato, t'i interpretohesh gjithmonë saktë, profeci në të cilat thuhet diçka që më pas ndodh, shenja që ndodhin në qiell dhe në tokë – shenja dhe mrekulli. Amen! Pikërisht ato që thotë Bibla se do të ndodhin. Shërbeni Perëndisë së gjallë! Vendos shenjën!

Prandaj, kur hija e mbrëmjes afrohet dhe zemërimi është gati të derdhet nga lart mbi kombet pa Zot dhe mbi mosbesimtarët pa Zot, mbi të gjithë ata që e rrëfejnë pa e zotëruar, mbi ata...

Tani, ne po jetojmë në këtë hije dhe zemërimi është gati të shpërthejë, dhe Perendia kërkon një shenjë që ti, ti vetë, e ke pranuar shenjën e Tij – Frymën e Shenjtë. Është mënyra e vetme dhe e vetmja shenje për të cilin Perendia do të kalojë përtej, sepse është jeta e vërtetë e Jezus Krishtit që është rikthyer në besimtarët.

Jeta e kafshës nuk mund të rikthehej. Prandaj duhej që gjaku të vihej në derë, në pragun e sipërm dhe në shtyllat anësore, që çdo kalimtar, gjithë publiku, çdokush që kalonte pranë shtëpisë, ta dinte që një shenjë ishte mbi atë derë – gjak, që një jetë kishte vdekur në atë derë. Amen!

Ajo (jeta) nuk mund të vinte mbi një qenie njerëzore, sepse jeta e një kafshe nuk ka Frym. Kafsha nuk e di që është lakuriq, dhe nuk mund të njohë mëkatën. Nuk di asgjë për të. Pra, është një krijesë, por jo një Frym e gjallë. Prandaj jeta e një kafshe nuk mund të rikthehej mbi jetën e një njeriu, sepse nuk kishte Frym në atë jetë.

Por në këtë gjendje të lavdishme, nën këtë besëlidhje, ka një ndryshim midis gjakut dhe jetës. Shenja për besimtarin sot është Fryma e Shenjtë, jo gjaku, një substancë kimike, por është Fryma e Shenjtë e Perëndisë. Kjo është shenja që Perëndia kërkon sot nga kisha. Perëndia duhet ta shohë këtë shenjë. Ai duhet ta shohë tek secili prej nesh.

Dhe Fryma e Shenjtë është një shenjë pozitive, e sigurt, që qengji yt ka vdekur dhe ti vetë e ke pranuar shenjën, sepse jeta e vërtetë e Tij është në ty. Shih, kjo nuk është një besim i sajuar, nuk është diçka e shtirur, nuk është një imitim. Ajo është aty. Ti e di, bota e di. Shenja është aty.

Është një shenjë që çmimi i kërkuar është paguar. Dhe çmimi që u pagua ishte jeta e Jezus Krishtit, dhe Ai dha jetën e Tij në mënyrë që Fryma e Tij të kthehej mbi ju si një shenjë që jeni pranuar. Atëherë do ta mbash këtë shenjë me vete, ditë e natë, jo vetëm të dielave, por gjatë gjithë kohës. Ti ke shenjën!

Tani, nëse dëshiron jetën e përjetshme, ti pranon një shenjë që tregon se çmimi është paguar. Nuk është gjaku, por është shenja e gjakut. Është vetë jeta. Amen. Bindje e plotë ndaj të gjithë Fjalës së Perëndisë do të të bëjë të drejtë për këtë shenjë.

Nëse i bindesh plotësisht Fjalës së Perëndisë, je plotësisht i nënshtruar, atëherë je i denjë për këtë shenjë. Po, bindje? Jo kush thotë: Zot, Zot, por kush bën vullnetin e Tij." Dhe kur lutemi, duhet ta paraqesim shenjën me lutjen tonë.

Mendoni vetëm, rrobat tuaja të lara nga uji i fjalës që rrjedh gjak! Fjala u bë gjak. Fjala rrjedhi gjak për ty, dhe ti je i larë në fjalën që rrjedh gjak. Fjala rrjedhi gjak, jeta e Perëndisë në fjalë, dhe fjala...

Rrjedh gjak për ty që të lahesh, të pastrohesh dhe të shenjtërohesh nga ndotja e kësaj prostitute përmes larjes me ujë nëpërmjet Fjalës (Efesianëve 5:26), që mendja dhe zemra jote të qëndrojnë të drejtuara kah Perendia dhe Fjala e Tij."

"Gjaku sot vendoset përmes një besimi të thjeshtë, asgjë mbinatyrore. Ai është rreth teje, kudo. Zgjatë thjeshtë si një fëmijë, kape dhe vendo gjakun! Hisopi është një besim i thjeshtë, fëmijëror, për besimtarin. Nuk është diçka jashtë arritjes sate. Nuk duhet të zgjatesh shumë larg për ta marrë. Ky hisop, i cili rritet në atë vend, del nga të çarat e mureve, një barishte e vogël me formë diamanti. Mund të këputet kudo, si bari apo barërat e këqija në këtë vend sot. Thjeshtë këputet, vendose, lyje në derë! Kështu duhet të vendoset besimi. Është më mirë të marrësh besimin dhe të vendosish gjakun e Jezus Krishtit me besim në derën e zemrës!"

"Ky ishte dallimi, kjo shkaktoi ndarjen midis atyre që dolën nga Egjipti dhe atyre që qëndruan në Egjipt dhe humbën me të. Kjo bëri dallimin."

"Kjo ishte ajo që Ai kërkoi atë natë, për të ndarë besimtarët nga jobesimtarët. Adhuresi besimtar u identifikua përmes flijimit të tij. Ai duhej të vendoste gjakun. Nuk mjaftonte të merrej qengji, të therrej dhe gjaku të lihej diku jashtë apo të ruhej në një enë ose t'i çohej fqinjët. Ai duhej të vendoste gjakun."

"Kështu është edhe sot. Mund të vijmë dhe të simpatizojmë me gjithçka që bën Perendia . Por kjo nuk është ajo që Ai kërkon. Duhet ta vendosësh. Nuk është e mjaftueshme derisa ta vendosësh. Gjaku duhet të jetë i vendosur. Kjo tregon që ti je identifikuar. Adhuresi vendoste dorën mbi qengjin dhe më pas e therte, duke u identifikuar me flijimin. Të njëjtën gjë bëjmë ne sot. Ne vendosim dorën tonë mbi flijimin tonë dhe identifikohemi me Të. Dhe Ai është Fjala."

"Atëherë ata nuk e kishin ungjillin siç e kemi ne sot. Ai mësohej në forma dhe përmes ritualeve, sepse Fryma e Shenjtë nuk ishte dhënë ende."

"Por sot, ne kemi substancën. Nuk kemi vetëm formën apo vetëm përbërësin kimik. Nuk mund të marrësh gjakun fizik të Jezus Krishtit dhe ta vendosësh në çdo zemër. Por Perendia e dërgoi Frymen e Shenjtë prapa. Kjo është shenja që u dha në zemrën e njeriut. Dhe kjo është dëshmia jote që ti e ke pranuar planin e Perendis dhe i ke përmbushur kërkesat e Jehovahit. Ai i përmbushi ato për ty në Golgotë dhe ti duhet t'i përmbushësh në gjunjët e tu. Dhe Perendia të ka dhënë shenjë – kthimin e Frymes që ishte mbi Krishtin, është në ty. Kjo është një garanci, dëshmia e jetës së Tij, vdekjes, varrimit dhe ringjalljes, dhe që tani je përgjithmonë i gjallë në bashkësinë besimtare. Amen. Kjo është një shenjë pozitive."

Mbaje ne mend, kjo vjen nga dashuria, sepse Ai është dashuri. Duaje, duaje, duaje Atë!

Shiko çfarë ka bërë Ai për ty. Kjo ndodhi nga dashuria. Dashuria sjell bindjen, dashuria sjell fejesën, dashuria sjell martesën. Kjo është ajo që kemi përpara nesh: darka e dasmës së Qengjit. Dëgjoj Shpëtimtarin tim duke thirrur, që më do edhe mua.

Vetë zemra jote e tëra, ti po ndien tani diçka shumë të ëmbël duke hyrë brenda teje. Ky është Fryma e Shenjtë!

Dërgo mbi mua shenjën e dashurisë Tënde, Frymën e Shenjtë, që bën të mundur që të jetoj me butësi dhe ëmbëlsi. Bëje të mundur që të jetoj jetën që ishte në Krishtin, që zemra ime të digjet për të tjerët. Që të mos mund të pushoj ditë e natë, derisa të kem arritur secilin që mundem.

